



新刻
改正

小學

後藤點

貞

□ 13
562
4止



門口仁13
務582
卷4

小學卷之六

天台

陳

選

句讀

明治廿五年十一月廿七日
森鴻次郎

善行第六

此篇紀漢以來賢者所行之善行以實立教明倫敬身也凡八十一章

正獻公名希哲字原明申國正獻公之長子正獻公居家簡重寡默不以事物經心而申國夫人性嚴有法度雖甚愛公然教

公事事循蹈規矩

長上聲下同正獻公名公著字晦叔相宋封申國公簡簡

要重。重厚寡省事。默慎言也。事物謂外事外物。經猶繁也。蹈猶行也。規矩喻禮度。事依循禮度而行。下文所言。
南十歲祔寒暑兩侍立終日不命

善行

立教

之坐不敢坐也。日必冠帶以見長者。平居雖甚熱，在父母長者之側，不得去巾襪。縛袴衣服，唯謹。

袴衣服唯謹

去上聲。縛音冢。甫始。初大縛繞也。縛袴所以纏繞袴管者亦謂之。偏

首之巾足之襪脛之縛袴身之衣服皆不得去。謹則又加整飭矣。

行步出入無

得人茶肆酒肆市井里巷之語，鄭衛之音，未嘗一經於耳，不正之書，非禮之色，未嘗

一接於目。鄭衛二國名，其音淫。熊氏曰：足不妄行，耳不妄聽，目不妄視。正獻

一接於目

鄭衛二國名，其音淫。熊氏曰：足不妄行，耳不妄聽，目不妄視。

正獻

公通判潁州，歐陽公適知州事，焦先生子

之伯強客文忠公所，嚴毅方正。正獻公招

延之使教諸子，諸生少有過差，先生端坐

召與相對，終日竟夕，不與之語。諸生恐懼

畏伏，先生方畧降詞色。

潁州郡名。歐陽公名修，字永叔，謚文忠。焦先生

名，千之字，伯強時寓歐陽公家，諸子皆謂榮公及其弟也。端正也。降猶舒也。解也。

時公

方十餘歲，內則正獻公與申國夫人教訓

如此之嚴，外則焦先生化導如此之篤，故

公德器成就，大異眾人。公嘗言：人生內無

賢父兄，外無嚴師友，而能有成者，少矣。

成行

曰德才，成曰器。

○呂榮公張夫人待制諱昂之

幼女也。最鍾愛然。居常至微細事教之。必有法度。如飲食之類。飲羹許更益魚肉。不更進也。時張公已為待制河北都轉運使矣。
品音溫。使去聲。夫人。榮公之妻。待制。官名。諱。即名也。生日名。死日諱。鍾聚更再益增也。都轉運使亦官名。張公已貴顯矣。而示女子以儉約。如此。非特教子者所當法。亦守官者所當法也。

夫人嫁呂氏。夫人之母申國夫人姊也。一日來視女。見舍後有鍋釜之類。大不樂。謂申國夫人曰。豈可使小兒輩私作飲食。壞家法邪。其嚴如此。

鍋音戈。釜音甫。樂音洛。張待制。呂正獻公。皆曾參政。宗道。

之壻 ○唐陽城為國子司業。引諸生告之曰。

凡學者所以學為忠與孝也。諸生有久不省親者乎。明日謁城還養者二十輩。有三

年不歸侍者。斥之。
養去聲。唐李氏王天下之號。城字元宗。定州人。謁告也。斥逐也。

○安定先生胡瑗字翼之。患隋唐以來仕進尚文辭。而遺經業苟趨祿利。及為蘇湖二州教授。嚴條約。以身先之。雖大暑必公服。終日以見諸生。嚴師弟子之禮。解經至有要義。悵悵為諸生言。其所以治已而

後治乎人者學徒千數日月刮劓為文章皆傳經義必以理勝信其師說敦尚行實

後為太學四方歸之庠舍不能容

瑗音願先

狠切為諸之為去聲劓音磨傳音附行去聲條教條約約束以身先之謂躬行以率之要義即治已治人之道悛悛切到之意治已而後治人明體適用之學也刮劓刮垢劓光也兼文行而言傳依也必以理勝不尚辭也信尊信也安定後為國子直講四方學者歸之故庠舍不能容其在湖學置

經義齋治事齋經義齋者擇疏通有器局

者居之治事齋者人各治一事又兼一事

如治民治兵水利筭數之類其在太學亦

然

疏通謂材識明達有器局謂器局正大

其弟子散在四方隨

其人賢愚皆循循雅飭其言談舉止遇之

不問可知為先生弟子其學者相語稱先

生不問可知為胡公也

飭音勅循循雅正謹飭之貌言動皆雅飭故遇

之則知其為安定弟子學者皆尊師故稱先生則知其為安定

○明道先生言

於朝曰治天下以正風俗得賢才為本

音朝

潮風者上所化俗者下所習賢有德者才有能者二者固治天下之本然得賢才斯可以正風俗則得賢才又正風俗之本也宜先禮命近侍賢儒及百執事悉

心推訪有德業充備足為師表者其次有

篤志好學材良行脩者延聘敦遣萃於京

師俾朝夕相與講明正學好行。並去聲。下同。悉盡也。推訪推求。

本於人倫明乎物理其教自小學灑掃應對

對以往脩其孝悌忠信周旋禮樂其所以

誘掖激勵漸摩成就之道皆有節序其要

在於擇善修身至於化成天下自鄉人而

可至於聖人之道灑掃。並去聲。漸音尖。誘之。掖

漸之。摩之。使不苦其難。皆所以成就之。正學不出乎人倫物理而已。灑掃應對。以至周旋禮樂。小學之教。

也。誘掖激勵。漸摩成就之。成其始也。擇善修身。以至化成天下。大學之教也。自鄉人而至於聖人之道。成其終也。

其學行皆中於是者為成德取材識

明達可進於善者使日受其業擇其學明

德尊者為大學之師次以分教天下之學

中。去聲。中於是。謂合於小學大學之教者。以成德為師。取材識之。明達者。受其教。及學之既成。上者。使教

國學。其次。以分教州縣之。擇士入學。縣升之州

州賓興於大學大學聚而教之歲論其賢

者能者於朝朝音潮。縣謂縣學。州謂州學。凡選

士之法皆以性行端潔居家孝悌有廉耻

學也。此三節言擇師之法。

學王制曰。論定。然後官之。

禮讓通明學業曉達治道者

選亦擇也此兩節言擇士之法

朱子曰明道論學制最為有本讀之味嘗不慨然發嘆也

○伊川先生看詳

學制大槩以為學校禮義相先之地而月

使之爭殊非教養之道請改試為課有所

未至則學官召而教之更不考定高下伊川

嘗充崇政殿說書同孫覺等看詳國子監條制相先猶相尚月使之爭謂月在試以較其高下是使之爭

也競制尊賢堂以延天下道德之士鑄解額

以去利誘省繁文以專委任勵行檢以厚

風教及置待賓吏師齋立觀光法如是者

亦數十條

鑄字全切解居隘切去上聲行去聲制猶數也宋元豐中以利祿誘士國學解額增至五百人來者奔湊程子蓋欲量留百人餘四百分於州郡

使士人各安鄉土也省減也繁文史牘之類師儒之官不責以小文所以專委任也行檢謂行誼名檢待

賓齋所以待行能可賓敬者吏師齋則通於治道可為吏之師法者居之觀光謂觀見國之盛德光輝立

觀光法蓋以處來學之士也

○藍田呂氏鄉約曰凡同約

者德業相勸

藍田縣名呂氏兄弟第四人大中防大約大臨鄉約與鄉人約誓也

勸勉也本註德謂見善必行聞過必改能修其身能治其家能事父兄能教子弟能御僮僕能事長上能

睦親故能擇交遊能守廉介能廣施惠能受寄託能救患難能導人為善能規人過失能為人謀事能為

衆集事能解鬪爭能決是非能興利除害能居官舉職業謂居家則事父兄教子弟待妻妾在外則事長

上接朋友教後生御僮僕至於讀書治田營家濟物如禮樂射御書數之類皆可為之非此之類皆為魚

過失相規

規猶戒也本註犯義之過六日行止踰違三日行

不恭遜四日言不忠信五日造言誣毀六日營私太甚不修之過五日交非其人二日遊戲怠惰三日

動作無儀四日臨事不恪五日用度不節

往還書問

慶弔之節

喪五日孤弱六日誣枉七日貧乏

有善則書于籍有過若違

約者亦書之三犯而行罰不悛者絕之

及也悛改也絕之使不與約也

明道先生教人自致知至於

於知止誠意至於平天下洒掃應對至於

窮理盡性循循有序

洒掃並去聲格物致知所以求知所止誠意正心修身齊家治國平天下所以求得所止洒掃應對小學之教也窮理即致知至於知止之事盡性即誠意至於平天下之事大學之教也循循有次序貌謂先習之於小學而後進之於大學而大學之教又自有其

序矣

病世之學者捨近而趨遠處下而闕高

所以輕自大而卒無得也

闕音規趨奔也闕猶闕也卒終也此

學者之大病程子教人循循有序蓋病乎此矣吳氏曰行遠自近升高自下學之序也自大小學之序言之灑掃應對近者下者也窮理盡性高者遠者也以大學之序言之格物致知誠意正心修身非近而下者乎齊家治國平天下非高而遠者乎

右實立教

凡八章

明倫

七寸藏

江革少失父獨與母居遭天下亂盜賊並起革負母逃難備經險阻常採拾以為養數遇賊或劫欲將去革輒涕泣求哀言有老母辭氣愿款有足感動人者賊以是不忍犯之或乃指避兵之方遂得俱全於難

少難養並去聲數音朔愿音願革字次公漢臨淄人備經險阻謂徧歷道路之艱危採拾謂採取艸木之可食者數頻也劫欲將去謂欲脅革以去也愿款誠懇也俱全謂母子皆保全也

轉客下

邳貧窮裸跣行傭以供母便身之物莫不畢給

裸魯果切跣蘇典切傭音庸轉客猶飄泊下邳今邳州裸露身跣露足行傭為雇工也便

身之物謂母身所便安之物畢猶皆也給猶足也

薛包好學篤行父

娶後妻而憎包分出之包日夜號泣不能去至被毆杖不得已廬于舍外旦入而灑掃父怒又逐之乃廬於里門晨昏不廢積歲餘父母慚而還之後服喪過哀好行並去聲號平聲既而弟子求分財異居包不能止適中分其財奴婢引其老者曰與我共事久若不能使也田廬取其荒頓者曰吾少時所理意

毆音嘔灑掃並去聲包字孟嘗漢汝南人不能猶不忍里門巷門也不廢謂不廢定省之禮

所戀也。器物取其朽敗者曰我素所服食。身口所安也。弟子數破其產，輒復賑給。

聲。戀，龍眷切。數，音朔。復，去聲。既謂服喪已也。弟子，弟及其子也。中分，均分也。共事，同事也。若，汝也。指弟子。荒，謂田畝荒蕪。頓，謂廬舍傾頓。服用也。 ○王祥性孝，蚤喪親，繼

母朱氏不慈，數譖之。由是失愛於父，每使掃除牛下。祥愈恭謹，父母有疾，衣不解帶。

湯藥必親嘗，母嘗欲生魚，時天寒冰凍，祥解衣將剖冰求之。冰忽自解，雙鯉躍出，持

之而歸。母又思黃雀炙，復有雀數十飛入其幕，復以供母。鄉里驚嘆，以為孝感所致。

有丹柰結實，母命守之。每風雨，祥輒抱樹而泣。其篤孝純至如此。

字，休徵。晉瑯琊人。親母也。譖，毀也。失愛於父，不得父之愛也。牛下，牛糞剖破也。炙，炙肉。驚嘆，驚異嗟嘆也。孝感，謂魚雀之至，皆孝誠之感動也。丹，紅色柰果名。 ○王裒字偉元，父儀

為魏安東將軍司馬，昭司馬。東關之敗，昭問於衆曰：「近日之事，誰任其咎？」儀對曰：「責

在元帥，昭怒曰：「司馬欲委罪於孤邪？」遂引出斬之。

裒，蒲侯切。儀，裒父名。魏曹氏篡國之號。上，司馬覆姓下。司馬，官名。言儀為魏國安東

將軍司馬昭之司馬也東關地名敗謂戰敗咎罪也元帥稱昭孤昭自稱也

命於是隱居教授三徵七辟皆不就廬于

墓側且夕常至墓所拜跪攀柏悲號涕淚

著樹樹為之枯讀詩至哀哀父母生我劬

勞未嘗不三復流涕門人受業者並廢蓼

莪之篇辟音壁號平聲著直畧切復音福蓼音六朝廷召曰徵郡國舉曰辟哀哀父母生我

劬勞蓼莪詩辭三復謂再三反覆誦之廢蓼莪篇者恐其師哀感故舍之而不誦也

家貧躬耕計口而田度身而蠶或有密助之者良

皆不聽及司馬氏墓魏哀終身未嘗西向

而坐以示不臣于晉度音鐸蓼初患切密猶私也聽猶從也逆而奪取之

曰墓昭既死于炎篡魏自立為晉衣食不來豐裕而坐不面闕皆痛父非命不忍故爾

西河人王延事親色養夏則扇枕席冬則

以身温被隆冬盛寒體常無全衣而親極

滋味養去聲扇平聲西河縣名延字延元色養以和悅之顏色而奉養也以用也全完也滋味

猶言○柳玘曰崔山南昆弟子孫之盛鄉

族罕比山南曾祖王母長孫夫人年高無

齒祖母唐夫人事姑孝每旦櫛縫并拜於

階下即升堂乳其姑長孫夫人不粒食數

年而康寧

乳去聲 山南名 瑯唐博陵人為山南西道節度使故稱山南昆兒也王天

也曾祖王母即曾祖母也姓長孫不粒食而康樂安寧由飲乳也

一日疾病長

幼咸萃宣言無以報新婦恩願新婦有子

有孫皆得如新婦孝敬則崔之門安得不

昌大乎

長上聲 疾甚也 曰病萃聚也

○南齊庾黔婁為辱陵

令到縣未旬父易在家遘疾黔婁忽心驚

舉身流汗即日棄官歸家家人悉驚其忽

至

辱鉏山切 易音異下同 遘音垢 南朝齊蕭氏借國之號黔婁字子貞辱陵縣名旬十日也易

黔婁父名遘遇也 熊氏曰父子一體而分父疾而子心驚汗出自然之理也

時易疾始

二日醫云欲知差劇但嘗糞甜苦易泄利

黔婁輒取嘗之味轉甜滑心愈憂苦至夕

每誓願北辰求以身代

差楚戒切 劇音極 稽音起 願蘇朗切 病愈

曰差病甚曰劇醫蓋以糞甜則病甚糞苦則病愈也 稽願叩頭也 北辰北極也

○海虞令

何子平母喪去官哀毀踰禮每哭踊頓絕

方蘓屬大明末東土饑荒繼以師旅八年

不得營葬晝夜號哭常如袒括之日冬不

衣絮夏不就清涼一日以米數合為粥不

進塩菜所居屋敗不蔽風日兄子伯興欲

為葺理子平不肯曰我情事未申天地一

罪人耳屋何宜覆屬音竹。號平聲。袒音但。衣下為並去聲。葺音緝。覆敷救切。

海虞縣名。子平南朝會稽人。哀毀踰禮。痛傷過於禮也。頓絕。遽然氣絕也。蕪猶醒也。屬猶會也。大明年號。

東土。即會稽軍法。二千五百人為師。五百人為旅。營謀為也。袒露臂。括括髮。人子初喪之禮也。葺修補也。

情事未申。謂親味葬也。蔡興宗為會稽太守甚加矜賞

為營塚壙為去聲。矜者憫其苦。賞者嘉其孝。○朱壽昌生七

歲父守雍出其母劉氏嫁民間母子不相

知者五十年壽昌行四方求之不已飲食

罕御酒肉與人言輒流涕雍去聲。下同。壽昌字康叔。宋天長人。

父為雍州太守御用也。熙寧初棄官入秦與家人訣句

誓不見母不復還行次同州得焉劉氏時

年七十餘矣雍守錢明逸以事聞詔壽昌

還就官絲是天下皆知其孝絲由同熙寧年號秦即雍州之

地訣別也。次猶至也。明逸字子飛。聞謂言之。壽昌二朝法棄官不得復就以尋母故優詔許之。

再為郡守至是以母故通判河中府迎其

同母弟妹以歸居數歲母卒涕泣幾喪明

拊其弟妹益篤為買田宅居之其於宗族

尤盡恩意嫁兄弟之孤女二人葬其不能

者十餘喪蓋其天性如此

幾平聲喪明之喪去聲拊音府下為

去聲一河中府今蒲州也近同州壽昌嘗為閩廣德二郡守至是以便以養母之故辭郡守而為河中通判拊安慰也推愛母之心而篤於同母弟妹推愛父之心而篤於宗族兄弟蓋至孝出於天性而然

伊川先生家治喪不用浮屠在洛亦有一

二人家化之浮屠佛氏也洛水名在河南霍光出入禁

闥二十餘年小心謹慎未嘗有過為人沈

靜詳審每出入下殿門進止有常處即僕

射竊識視之不失尺寸闥音達下去聲射音夜識音志光字

子孟漢平陽人為大將軍禁闥宮中小門也汲沈安靜不浮躁也精詳審密不靡率也進止一進一止也

即僕射皆官名不失尺寸猶言一步不差耳僕王也古者重射故有是官關中語轉射為夜耳

汲黯景帝時為太子洗馬以嚴見憚武帝

即位召為主爵都尉以數直諫不得久居

位是時太后弟武安侯田蚡為丞相句中

二千石拜謁句蚡弗為禮黯見蚡未嘗拜

句揖之洗蘇典切數音朔蚡音忿相去聲下同黯字長孺漢濮陽人太子洗馬官名以嚴見

憚以正直為景帝所敬憚也主爵都尉亦官名以猶因也中滿也中二千石謂九卿之官歲俸滿二千石也蚡負貴而驕人黯獨不為之屈但揖之而已洗之言先也太子出則前導也上方招文

學儒者上曰吾欲云云黯對曰陛下內多

欲而外施仁義奈何欲效唐虞之治乎上怒變色而罷朝公卿皆為黯懼上退謂人

曰甚矣汲黯之戇也

治為皆去聲朝音潮下同戇音撞上謂武帝云

云猶言如此如此蓋言效唐虞之治也心多欲如好征伐好神仙之類唐虞唐堯虞舜也戇愚也帝不罪黯而容之君人之度偉矣羣臣或數黯黯曰天子置公卿輔

弼之臣寧令從諛承意陷主於不義乎且

已在其位縱愛身奈辱朝廷何

數上聲數責也輔弼輔德

而弼達也從諛承意順從阿諛以奉承上意也已既也

黯多病病且滿三

月上常賜告者數終不瘳最後嚴助為請

告上曰汲黯何如人也曰使黯任職居官

亡以瘳人然至其輔少主守成雖自謂貢

育弗能奪也上曰然古有社稷之臣至如

汲黯近之矣

數音朔瘳音愈亡音無為少皆去聲貢音奔漢法病滿三月當免官

告休假也瘳通作愈病痊也嚴助人姓名時為侍中瘳當作踰過也孟賁復育皆古之有力者言黯之正直若托之擁輔幼君以保守成業雖自謂有貢育之勇者亦不能奪其大節也然其言也社稷臣能安社稷者大將軍青侍中上踞廁視之丞相弘

寔見上或時不冠至如見黯不冠不見也

上嘗坐武帳黯前奏事上不冠望見黯避

帷中使人可其奏其見敬禮如此

宴見之見音現青衛

青侍中侍於禁中也踞蹲坐也厠牀邊側弘公孫弘宴見宴閑時進見也嘗曾也武帳帳中置兵衛者可猶是也從其奏則稱制曰可 ○初魏遼東公翟黑子有寵

於太武奉使并州受布千疋事覺黑子謀於著作郎高允曰主上問我當以實告為當諱之允曰公帷幄寵臣有罪首實庶或見原不可重為欺罔也中書侍郎崔鑒公孫質曰若首實罪不可測不如姑諱之黑子怨允曰君奈何誘人就死地入見帝不以實對帝怒殺之

翟音狄使重首為當之為皆去聲并音兵幄一角切史氏

紀事而原其始則曰初此則節取其事而失刪也魏元魏太武魏帝覺發覺也允字伯恭諱隱諱也帷幄寵臣侍帷幄受寵眷之臣也首自陳也宥罪曰原重再也言已受賄若更隱諱是再造欺罔之罪也崔鑒公孫質皆中書侍郎測度姑且誘引也 帝使允授太子經及崔

浩以史事被收太子謂允曰入見至尊吾

自導卿脫至尊有問但依吾語

崔浩為司徒與允等修國

書刻石以彰直筆太武怒其暴揚國惡收浩誅之將及於允故太子欲指導其生路脫儻若也 太

子見帝言高允小心慎密且微賤制由崔

浩請赦其死帝召允問曰國書皆浩所為

乎對曰臣與浩共為之然浩所領事句多總裁而已至於著述臣多於浩帝怒曰允罪甚於浩何以得生太子懼曰天威嚴重允小臣迷亂失次耳臣臯問皆云浩所為帝問允信如東宮所言乎對曰臣罪當滅族不敢虛妄殿下以臣侍講日久哀臣欲丐其生耳實不問臣臣亦無此言不敢迷亂

亂

臯音向。丐音蓋。微賤言其職之卑。制著述也。多猶皆也。總裁謂總其太綱而裁正之。紀事曰著也。東宮太子之宮。殿下太子之稱。丐乞也。 帝顧謂

太子曰直哉。此人情所難而允能為之。臨死不易辭，信也。為臣不欺君，貞也。宜特除其罪，以旌之。遂赦之。直哉，贊其直也。旌之，旌其善也。他日太子讓允曰：吾欲為卿脫死，而卿不從，何也？允曰：臣與崔浩實同史事，死生榮辱，義無獨殊。誠荷殿下再造之慈，違心苟免，非臣所願也。太子動容稱嘆。為荷，皆去聲。讓，責也。殊，異也。言當與浩同。

之。再。造。猶。言。再。生。動。容。變。貌。也。

允退謂人曰：我不奉東宮指

導者，恐負翟黑子故也。

靜修劉氏曰：高允告黑子之言，忠情之直。

亮而作史者遽繼之以庶或見原則所謂首實者乃所以為僥倖之資又以不奉東宮指導為恐負黑子則允所以為是者非以理義之當然第以此爾此皆史臣不明義理而於遣辭之際輕為增損使允忠亮之心不白豈直筆可信之史乎

○李君行先生名潛虔州人入京師至泗州留止其子弟請先往君行問其故曰科場近欲先至京師貫開封戶籍取應君行不許曰汝虔州人而貫開封戶籍欲求事君而先欺君可乎寧遲緩數

年不可行也

虔音乾君行字潛名宋人也宋之京師在開封府貫猶係也貫籍以

應舉欺君矣

○崔玄暉母盧氏嘗誡玄暉曰吾

見姨兄屯田郎中辛亥馭曰兒子從宦者有人來云貧乏不能存此是好消息若聞貨貨充足衣馬輕肥此惡消息吾嘗以為

確論

暉音偉馭音御貨音杏玄暉名畢唐博陵人仕至宰相姨兄姨之子長於我者也貧必廉

故曰好消息富必貪故曰惡消息

比見親表中仕宦者將錢

物上其父母父母但知喜悅竟不問此物從何而來必是祿俸餘資誠亦善事如其非理所得此與盜賊何別縱無大咎獨不內愧於心玄暉遵奉教誡以清謹見稱

別必

列切比近也親同姓表外姓非理所得如竊官物

劉器之待制初登科與二同年謁張觀參

政三人同起身請教張曰某自守官以來

常持四字勤謹和緩中間一後生應聲曰

勤謹和既聞命矣緩之一字某所未聞張

正色作氣曰何嘗教賢緩不及事且道世

間甚事不因忙後錯了器之名安世宋元城人待制參政皆官名

勤以從政謹以持身和以待人緩以處事未聞猶未喻也賢稱後生也蓋緩非迂緩不及事之謂乃從容

不忙迫之謂耳 ○伊川先生曰安定之門人徃徃

知稽古愛民矣則於為政也何有

門人如劉彝錢藻孫

覺汜純仁錢公輔是也稽古經義齋之事愛民治事齋之事何有言不難也

○呂榮公

自少官守處未嘗干人舉薦其子舜從守

官會稽人或譏其不求知者舜從對曰勤

於職事其他不敢不慎乃所以求知也

聲會音檜官守以官為守也干求也舜從名疑問 ○漢陳孝婦年十六

而嫁未有子其夫當行戍且行時屬孝婦

曰我生死未可知幸有老母無他兄弟備

養吾不還汝肯養吾母乎婦應曰諾

戍音庶屬

音竹。下同。養。去聲。下同。孝。夫果死不還。婦養姑。

不衰。慈愛愈固。紡績織紝。以為家業。終無

嫁意。慈愛愈固。姑慈。婦愛愈深。固也。紡績。以車績。以指織。以機紝。以箴。居喪三年

其父母哀其少無子而早寡也將取嫁之

孝婦曰夫去時屬妾以供養老母妾既許

諾之夫養人老母而不能卒許人以諾而

不能信將何以立於世欲自殺其父母懼

而不敢嫁也遂使養其姑二十八年姑八

十餘以天年終盡賣其田宅財物以葬之

終奉祭祀

少去聲。夫養之夫。音扶。卒。終也。夫死。不

淮陽太守以聞使使者賜黃金四十斤句

復之終身無所與號曰孝婦

使者之使與皆去聲。復音福。淮

陽即陳州。復謂除其家之役與猶及也。

○漢鮑宣妻桓氏字少君

宣嘗就少君父學父奇其清苦故以女妻

之裝送資賄甚盛宣不悅謂妻曰少君生

富驕習美飾而吾實貧賤不敢當禮

妻並去聲。賄音悔。宣字子都。渤海人。清謂澹泊苦謂

矣。妻曰大人以先生脩德守約故使賤妾

憂勤學以清苦而成行以清苦而立士能如此亦奇

侍執巾櫛既奉承君子惟命是從宣笑曰
能如是是吾志也妻乃悉歸侍御服飾更
著短布裳與宣共挽鹿車歸鄉里拜姑禮
畢提甕出汲脩行婦道鄉邦稱之

挽音晚大人稱其父也先生以年君子以德稱其夫也約即清苦之謂歸謂還于父家侍御婢妾也服飾

資裝也引車曰挽鹿車小車可容一鹿者 ○曹爽從弟文叔妻譙

郡夏侯文寧之女名令女文叔蚤死服闋
自以年少無子恐家必嫁已乃斷髮為信
其後家果欲嫁之令女聞即復以刀截兩

耳居止常依爽及爽被誅曹氏盡死令女

叔父上書與曹氏絕婚疆迎令女歸

音缺斷音短從少皆夫聲復扶又切強上聲曹爽魏

宗室從弟同祖之弟夏侯姓文寧名闕終斷截誅殺也司馬懿殺爽夷其族 時文寧為梁相憐其少執義又

曹氏無遺類冀其意阻乃微使人風之令

女嘆且泣曰吾亦惟之許之是也家以為

信防之少懈令女於是竊入寢室以刀斷

鼻蒙被而卧其母呼與語不應發被視之

血流滿床席舉家驚惶往視之莫不酸鼻

相一作州。少風。並去聲。懈音戒。斷音短。無遺類。盡也。其意阻。幸其阻守義之意而改適也。風謂以言動之。惟思也。竊私也。或謂之曰。人生世間如輕塵。棲

弱草耳。何辛苦乃爾。且夫家夷滅已盡。守

此欲誰為哉。令女曰。聞仁者不以盛衰改

節。義者不以存亡易心。曹氏前盛之時尚

欲保終。况今衰亡。何忍棄之。禽獸之行。吾

豈為乎。誰為之為。行並去聲。輕塵。棲弱草。熊氏曰。非有纏固也而已。曰耳。如此。曰爾。夷。誅也。守此。謂守義不仁不義。禽獸之行也。○唐鄭義

宗妻盧氏畧涉書史。事舅姑甚得婦道。嘗

夜有強盜數十。持杖鼓譟。踰垣而入。家人

悉奔竄。唯有姑自在室。盧冒白刃。往至姑

側。為賊捶擊幾死。杖音仗。譟。先到切。竄。取亂切。冒音墨。為去聲。捶。王並切。幾

平聲。涉。涉水。涉書史。則泛。觀之也。杖。兵器也。鼓譟。鼓舞呼譟也。奔竄。奔走竄匿也。冒犯也。賊去

後家人問何獨不懼。盧氏曰。人所以異於

禽獸者。以其有仁義也。鄰里有急。尚相赴

救。况在於姑。而可委棄乎。若萬一危禍。豈

宜獨生。五家為鄰。二十五家為里。危禍。謂姑獨生。謂已。○唐奉天寶

氏二女。生長草野。幼有志操。永泰中。羣盜

數千人剽掠其村落二女皆有容色長者
 年十九幼者年十六匿巖穴間曳出之驅
 迫以前臨壑谷深數百尺其姊先曰吾寧
 就死義不受辱即投崖下而死盜方驚駭
 其妹繼之自投折足破面流血羣盜乃捨
 之而去長上聲。剽音票。曳音裔。奉天縣名。永泰年
 號。剽掠攻劫也。村落村居也。匿藏也。曳拖
 也。前謂前行捨之謂捨其妹

京兆尹第五琦嘉其貞烈奏
第五。姓琦。名蠲。除也。 ○ 繆彤少孤兄弟四人皆同財

業及各取妻諸婦遂求分異又數有鬪爭
 之言彤深懷忿嘆乃掩戶自搥曰繆彤汝
 脩身謹行學聖人之法將以齊整風俗柰
 何不能正其家乎弟及諸婦聞之悉叩頭
 謝罪遂更為敦睦之行繆音木。彤音容。少去
 聲。取音娶。數音朔。搥
職瓜切。行去聲。更平聲。彤字豫公。漢汝南
 人。幼而無父。曰孤搥打。更改敦厚睦和也。 ○ 蘇瓊
 除南清河太守有百姓乙普明兄弟爭田
 積年不斷各相援據乃至百人瓊召普明
 兄弟諭之曰天下難得者兄弟易求者田

地假令得田地失兄弟心如何因而下淚
諸證人莫不灑泣普明兄弟叩頭乞外更

思分異十年遂還同住斷都玩切。易音異。令更。並平聲。瓊字。珣之。

北朝人南清河郡乙姓普明名斷決也援據攀援他人為證據也諭曉也如何問之以發動其良心也太守下淚而諸證人灑泣普明兄弟悔過可以見人心之天矣 ○王祥弟覽母

朱氏遇祥無道覽年數歲見祥被楚撻輒涕泣抱持至于成童每諫其母其母少止凶虐朱屢以非理使祥覽與祥俱又虐使祥妻句覽妻亦趨而共之朱患之乃止音屢

慮覽字玄通遇待也楚痛也成童十五歲也俱謂共為之 ○晉右僕射鄧攸

永嘉末没于石勒過泗水攸以牛馬負妻子而逃又遇賊掠其牛馬步走擔其兒及其弟子綏度不能兩全乃謂其妻曰吾弟蚤亡唯有一息理不可絕止應自棄我兒耳幸而得存我後當有子妻泣而從之乃棄其子而去之卒以無嗣射音夜度音鐸應平聲右僕射官名

攸字伯道永嘉年號石勒胡人没陷 時人義而

哀之為之語曰天道無知使鄧伯道無兒

弟子綏服攸喪三年

為去聲。義者義其能存也。姪也。服喪三年。如喪父也。

○晉咸寧中大疫。庾衮二兄俱亡。次兄昆

復危殆。厲氣方熾。父母諸弟皆出次于外。

衮獨留不去。諸父兄強之。乃曰：衮性不畏

病。遂親自扶持。晝夜不眠。旬其間。復撫柩。

哀臨不輟。如此十有餘旬。疫勢既歇。家人

乃反。昆病得差。衮亦無恙。

疫音役。昆音皮。復扶又切。厲音利。熾昌志切。強上聲。間音澗。臨去聲。輟音拙。有音又。差楚戒切。恙音樣。咸寧。年號。疫癘皆瘟疾。衮字叔褒。昆次兄名危。殆謂病甚也。熾盛次舍也。間空隙也。臨哭輟止。差愈恙病也。

父老咸曰：異哉！此子守人所不能守，行人所不能行。歲

寒然後知松柏之後凋，始知疫癘之不能

相淅也。

父老鄉之高年者。後凋謂後於衆木之凋。

○楊播家世純

厚，並敦義讓。昆季相事有如父子。椿津恭

謙，兄弟旦則聚於廳堂，終日相對，未嘗入

內。有一美味，不集不食。廳堂間往往幃幔

隔障，為寢息之所。時就休偃，還共談笑。

莫幔。

他處醉歸，津扶持還室，假寢閤前，承候安

半切。播字延慶，北朝人。昆季兄弟也。椿字延壽，津字羅漢，休亦息也。偃猶卧也。

否

寢本傳作寐假寢不脫衣冠而寢也閤謂室之門

椿津年過六十並

登台鼎而津常日莫參問子姪羅列階下

椿不命坐津不敢坐

莫音暮台鼎三三公之稱如星之有三台鼎之有三足

也椿為司徒津為司空故曰並登台鼎

椿每近出或日斜不至

津不先飯椿還然後共食食則津親授匙

箸味皆先嘗椿命食然後食津為肆州椿

在京宅每有四時嘉味輒因使次附之若

或未寄不先入口一家之內男女百口總

服同饗庭魚間言

飯上聲匙音時箸音住饗取亂切使問並去聲京宅宅在

京也嘉味美味也未寄于凡則不先食總麻之服同炊饗四世不分異也間言異言也

○隋

吏部尚書牛弘弟弼好酒而酣嘗醉射殺

弘駕車牛弘還宅其妻迎謂弘曰叔射殺

牛弘聞無所恠問直答曰作脯坐定其妻

又曰叔射殺牛大是異事弘曰已知顏色

自若讀書不輟

好去聲酣許御切脯音府輟音拙弘字里仁安定人弟名弼

酒狂也直猶但也輟止也

○唐英公李勣貴為僕射其姊

病必親為然火煮粥火焚其髮姊曰僕妾

多矣何為自苦如此勣曰豈為無人耶顧

今姊年老勸亦老雖欲數為姊煮粥復可

得乎

勸音迹射音夜數音朔為復並去聲勸字懋功封英公僕射唐宰相顧猶念也

司馬溫公與其兄伯康友愛尤篤伯康年

將八十公奉之如嚴父保之如嬰兒每食

少頃則問曰得無饑乎天少冷則拊其背

曰衣得無薄乎

拊音府伯康名且吳氏曰奉之如嚴父敬之至也保之如嬰兒

愛之至也老人腸胃弱易飽易饑氣體虛易寒易熱故公撫問之勤如此○近世故家

惟晁氏因以道申戒子弟皆有法度群居

相呼外姓尊長必曰某姓第幾叔若兄諸

姑尊姑之夫必曰某姓姑夫某姓尊姑夫

未嘗敢呼字也其言父黨交游必曰某姓

幾丈亦未嘗敢呼字也當時故家舊族皆

不能若是

晁音潮長上聲故家舊家惟獨也以道名說之澶淵人若及也尊者曰某姓第

幾叔長者曰某姓第幾兄姑父之姊妹也尊姑祖之姊妹也父黨交游父之友也稱姓稱行稱位而不呼

字皆謙厚之道

○包孝肅公尹京時民有自言以

白金百兩寄我者死矣予其子不肯受願

召其子予之尹召其子辭曰亡父未嘗以

白金委人也兩人相讓久之

予音與公名極字希仁孝肅謚

也宋廬州人尹 呂榮公聞之曰世人喜言無

好人三字者可謂自賊者矣古人言人皆

可以為堯舜蓋觀於此而知之謂賊害也古人之

有不善故皆可以為堯舜蓋疑辭 ○萬石君石

奮歸老子家過宮門闕必下車趨見路馬

必軾焉子孫為小吏來歸謁萬石君必朝

服見之不名子孫有過失不謂讓為便坐

對案不食然後諸子相責因長老肉袒固

謝罪改之乃許朝音潮。謂在笑切。下為去聲。長。

與四子皆官至二千石故號萬石君歸老老而歸也

路馬說見稽古謂讓以言責之坐於便室設食於

案對之而不食自責也長老族之高年者肉袒袒衣

露肉也固再三也許謂許其改過而已復坐復食也

子孫勝冠者在側雖燕必冠申申如也僮

僕訪訪如也唯謹勝音升。訪音銀。勝冠謂年及

訪訪和悅也。和。則易肆故加謹。上時賜食於家必稽首俯伏

而食如在上前其執喪哀戚甚子孫遵教

亦如之稽音啓。稽首即叩首。稽首俯伏而後起食敬也。萬石君家以

孝謹聞乎郡國雖齊魯諸儒質行皆自以

為不及也行去聲。孝謹即下宮門。闕等事齊魯二國名。長子建為

郎中令少子慶為內史

少去聲 郎中令 內史皆官名 建

老白首萬石君尚無恙每五日洗沐歸謁

親入子舍竊問侍者取親中君廁湔身自

浣滌復與侍者不敢令萬石君知之以為

常

恙音樣 裙音裾 湔音投 浣音緩 滌音狄 恙病也 漢法在官五日則休假一日以洗身沐首子舍

小房親謂萬石君中君中衣廁湔穢器不使親知者共為子職而又欲親心安也 內史慶

醉歸入外門不下車萬石君聞之不食慶

恐肉袒謝罪不許舉宗及兄建肉袒萬石

君讓曰內史貴人入問里里中長老皆走

匿而內史坐車中自如固當乃謝罷慶慶

及諸子入里門趨至家

外門巷門舉宗猶言闔族讓責也固當者

反辭以責之也謝罷慶者許不過慶而復食也里門即巷門言自是以後入巷門則疾趨而歸不但下車

矣 ○疏廣為太子太傅上疏乞骸骨加賜

黃金二十斤太子贈五十斤歸鄉里日令

家供具設酒食請族人故舊賓客相與娛

樂數問其家金餘尚有幾斤趣賣以共具

疏音疎 骸音諧 令平聲 樂音洛 下同 數音朔 趣音促 共音供 下同 廣字仲翁 漢蘭陵人 太傅官名 上疏乞骸骨猶今之告老也 娛歡也 趣與促同 共與供同 言促賣餘金以供酒食之具也

居歲餘

廣子孫竊謂其昆弟老人廣所信愛者曰
 子孫冀及君時頗立產業基址今日飲食
 費且盡宜從丈人所勸說君置田宅老人
 卽以問服時為廣言此計說音稅為去聲冀
 欲也君指廣丈人
卽廣所愛信之高年兄弟也所處也說誘也廣曰吾豈老悖不念子
 孫哉顧自有舊田廬令子孫勤力其中足
 以共衣食與凡人齊今復增益之以為贏
 餘但教子孫怠惰耳悖音佩令平聲復扶又
 切老悖年老而乖悖也
贏亦餘也衣食有餘則
 子孫倚之而怠惰矣賢而多財則損其志

愚而多財則益其過且夫富者眾之怨也
 吾既無以教化子孫不欲益其過而生怨
 又此金者聖王所以惠養老臣也故樂與
 鄉黨宗族共享其賜以盡吾餘日不亦可
 乎夫音扶共如
 字益增也○龐公未嘗入城府夫妻
 相敬如賓劉表候之龐公釋耕於壟上而
 妻子耘於前表指而問曰先生苦居畎畝
 而不肯官祿後世何以遺子孫乎龐公曰
 世人皆遺之以危今獨遺之以安雖所遺

不同未為無所遺也表嘆息而去

遺音位龐公字德公

漢襄陽人劉表漢宗室侯猶訪也釋猶罷也董田間高處也畝田間水道也遺猶與也富貴者易危勤勞者常安理勢然也 ○陶淵明為彭澤令不以家累

自隨送一力給其子書曰汝且夕之費自

給為難今遣此力助汝薪水之勞此亦人

子也可善遇之

累去聲淵明字元亮晉潯陽人彭澤縣名家累妻子也力僕也

給與也贍也遇待也 ○崔孝芬兄弟孝義慈厚弟孝

暉等奉孝芬盡恭順之禮坐食進退孝芬

不命則不敢也鷄鳴而起且溫顏色一錢

尺帛不入私房吉凶有須聚對分給諸婦

亦相親愛有無共之

暉音偉孝芬北朝博陵人

孝芬叔振

既亡後孝芬等承奉叔母李氏若事所生

且夕溫清出入啓觀家事巨細一以咨決

每兄弟出行有獲則尺寸以上皆入李之

庫四時分資李氏自裁之如此二十餘歲

清七正切上聲資洛代切孝芬之叔名振溫謂冬溫清謂夏清啓謂出必告觀謂反必面獲得也資與

也 ○王凝常居慄如也子弟非公服不見

閨門之內若朝廷焉

慄音栗朝音潮疑字叔恬文中子之弟慄嚴謹

貌御家以四教勤儉恭恕正家以四禮冠

昏喪祭冠去聲御治也勤以事儉以制用聖

人之書及公服禮器不假垣屋什物必堅

朴曰無苟費也門巷果木必方列曰無苟

亂也假借也不假阮氏曰皆自足也營築垣屋造

方整成列蓋其為人不苟故每事亦不苟如此○張公藝九世同居

北齊隋唐皆旌表其門麟德中高宗封秦

山幸其宅召見公藝問其所以能睦族之

道公藝請紙筆以對乃書忍字百餘以進

其意以為宗族所以不協由尊長衣食或

有不均卑幼禮節或有不備更相責望遂

為乖爭苟能相與忍之則家道雍睦矣長

聲更平聲公藝唐東平人北齊北朝高齊也麟德唐高宗年號封謂封土為壇以祭也泰山山名天子所

至曰幸忍耐也協和也卑幼責望尊長之不均尊長責望卑幼之不備是更相責望也乖戾也雍和也

○韓文公作董生行曰淮水出桐栢山東

馳遙遙千里不能休淝水出其側不能千

里百里入淮流壽州屬縣有安豐唐貞元

年時縣人董生召南隱居行義於其中刺

史不能薦天子不聞名聲爵祿不及門門

外惟有吏日來徵租更索錢行如字。肥音肥。召音邵。索音色。

公名愈字退之謚文。唐昌黎人董生名召南行歌類。桐栢山在唐縣泚水在合泚縣安豐縣名貞元年號

董生隱居行義於淮泚之間時之人不能與儔韓子為作此詩蓋賦而興也嗟哉董生

朝出耕夜歸讀古人書晝日不得息或山

而焦或水而漁入厨具甘旨上堂問起居

父母不感感妻子不咨咨果氏曰感感憂愁也咨咨嗟怨也父

母安其孝故不憂妻嗟哉董生孝且慈人不

識唯有天翁知生祥下瑞無休期家有狗

乳出求食鷄來哺其兒啄啄庭中拾蟲蟻

哺之不食鳴聲悲彷徨躑躅久不去以翼

來覆待狗歸乳去聲。哺音步。彷徨音旁。躑音皇。躑音擲。躑音逐。覆敷救切。天翁猶言

老天乳生子也躑躅跳貌。果氏曰董生存慈之行獨天知之故祥瑞見於異類如此嗟哉董

生誰將與儔時之人夫妻相虐兄弟為讎

食君之祿而令父母愁亦獨何心嗟哉董

生無與儔傳音紐。令平聲。傳匹也。朱子曰。上句誰將與儔疑而問之之辭也。下句無與儔

答而決之○唐河東節度使柳公綽在公卿

間最名有家法綽尺約切。河東道名節。度使官名。公綽字子寬中門

東有小齋自非朝謁之日每平且輒出至
 小齋諸子仲郢皆束帶晨省於中門之北
 公綽決私事接賓客與弟公權及羣從弟
 再會食自且至莫不離小齋獨至則命一
 人子弟執經史躬讀一過訖乃講議居官
 治家之法或論文或聽琴至人定鍾然後
 歸寢諸子復昏定於中門之北凡二十餘
 年未嘗一日變易

蒙公權節度之弟字誠懸

其遇饑歲則諸子皆疏食曰

朝音潮郢音穎從離並去聲莫音暮仲郢節度之子字諭

昔吾兄弟侍先君為丹州刺史以學業未

成不聽食肉吾不敢忘也

上食音似曰節度言也父沒稱先君

姑姊妹姪有孤嫠者雖踈遠必為擇

婿嫁之皆用刻木粧奩纈文絹為資裝常

言必待資裝豐備何如嫁不失時

發音離為擇之

公綽卒仲郢一遵其法事公權如事公綽

非甚病見公權未嘗不束帶為京兆尹塩

鐵使出遇公權於通衢必下馬端笏立候

為去聲奩音廉纈胡結切姪謂兄弟之女孤無父者發無夫者奩鏡匣也纈文絹繫絹漆為文者

聽猶許也

公權過乃上馬公權莫歸必束帶迎候於馬首公權屢以為言仲郢終不以官達有

小改莫音暮其指節度也以上言家法之在外者公綽妻韓氏相

國休之曾孫家法嚴肅儉約為措紳家措

範歸柳氏三年無少長未嘗見其啓齒常

衣絹素不用綾羅錦繡每歸觀不乘金碧

輿祇乘竹兜子二青衣步履以隨常命粉

苦參黃連熊膽和為丸賜諸子每永夜習

學含之以資勤苦措口駭切相少衣和並去聲長上聲抵音止兜當侯切履

音洗相國宰相之稱休其名也措紳措笏垂紳也措範猶言法式婦人謂嫁曰歸啓齒笑也歸觀歸寧父母也竹兜子竹輜也二青衣二僮使也履徐行貌資助也此言家法之內者○江州陳

氏宗族七百口每食設廣席長幼以次坐

而共食之有畜犬百餘共一牢食一犬不

至諸犬為之不食長上聲畜許六切為去聲陳氏名褒南唐人十世同居犬

○温公曰國朝公卿能守先法

久而不衰者唯故李相家子孫數世至二

百餘口猶同居共爨田園邸舍所収及有

官者俸祿皆聚之一庫計口日給餉婚姻

知愛其類和順之所感也

長上聲畜許六切為去聲陳氏名褒南唐人十世同居犬

喪葬所費皆有常數分命子弟掌其事其規模大抵出於翰林學士宗諤所制也音朝

潮相去聲。郎音底。國朝温公自謂本朝也。李相名昉。字明遠。滁州人。為宰相。故稱李相。郎舍客店也。宗諤。李相之子。字昌武。

右實明倫

凡四十五章。李氏曰。首十章實君臣之義。次五

章實夫婦之別。次十章實長幼之序。次一章實朋友之交。後十一章通實五倫之義。或問此篇似少朋友章。朱子曰。當時是衆編類來。偶缺此耳。

或問第五倫曰。公有私乎。對曰。昔人有與

吾千里馬者。吾雖不受。每三公有所選舉。

心不能忘。而亦終不用也。吾兄子嘗病一

夜十往退而安寢。吾子有疾。雖不省視。而

竟夕不眠。若是者。豈可謂無私乎。

第五。姓倫。名字伯魚。

漢京兆人。為司空。以公正稱。周以太師。太傅。太保。為三公。東漢以太尉。司徒。司空為三公。竟終也。朱子曰。不薦自是好。然於心終不忘。便是契他。取舉意思。不過這便是私意。又曰。如十起與不起。便是私。這便是避嫌。只是他見得這意思。已是大段做工夫。大段會省察了。

卒未嘗疾言遽色。夫人欲試寬令。恚伺當

朝。會裝嚴已訖。使侍婢奉肉羹。翻污朝服。

婢遽收之。寬神色不異。乃徐言曰。羹爛汝

敬身

三十五

北林

手乎其性度如此

倉上聲。卒。蒼沒切。遷音句。令平聲。惠音。伺音似。朝音潮。

奉音捧。汚去聲。寬字。文饒漢弘農人。志怒也。裝嚴謂裝著嚴整異變也。

○張湛矜嚴

好禮動止有則居處幽室必自脩整雖遇

妻子若嚴君焉及在鄉黨詳言正色三輔

以為儀表

好處並去聲。湛字子孝漢平陵人矜嚴矜莊而嚴厲也。嚴君尊嚴之君長也。漢

以京兆尹左馮翊右扶風為三輔。共治長安城中儀表猶言法式。

建武初為左

馮翊告歸平陵望寺門而步主簿進曰明

府位尊德重不宜自輕湛曰禮下公門軾

路馬孔子於鄉黨恂恂如也父母之國所

宜盡禮何謂輕哉

馮音平。翊音亦。建武年號。寺官府之稱。主簿馮翊屬吏也。

恂恂信實之貌。

○楊震所舉荊州茂才王密為昌

邑令謁見懷金十斤以遺震震曰故人知

君君不知故人何也密曰莫夜無知者震

曰天知神知我知子知何謂無知密愧而

去

遺音位。莫音暮。震字伯起漢弘農郡人。嘗為荊州刺史故人震自謂君謂密。

○茅

容與等輩避雨樹下眾皆夷踞相對容獨

危坐愈恭郭林宗行見之而奇其異遂與

共言因請寓宿且日容殺鷄為饌林宗謂

為已設既而供其母自以草蔬與客同飯

林宗起拜之曰卿賢乎哉因勸令學卒以

成德

夷本作踈。踈音據。下為去聲。令平聲。容字季偉。漢陳留人。夷踈蹲坐也。危坐以尻著踈而坐也。林宗名泰。大原人。異謂異於衆。

○陶侃為廣州刺史在州

無事輒朝運百甓於齋外莫運於齋內人

問其故答曰吾方致力中原過爾優逸恐

不堪事其勵志勤力皆此類也

甓音闕。莫音暮。侃字士行。

後為荊

州刺史侃性聰敏勤於吏職恭而近禮愛

好人倫終日斂膝危坐閨外多事千緒萬

端罔有遺漏遠近書疏莫不手答筆翰如

流未嘗壅滯引接疏遠門無停客

好去聲。閨苦本切。疏

常語

人曰大禹聖人乃惜寸陰至於衆人當惜

分陰豈可逸遊荒醉生無益於時死無聞

於後是自棄也

語去聲。陰光陰。

諸參佐或以談戲

廢事者乃命取其酒器捕博之具悉投之

于江吏將則加鞭扑曰樗蒲者牧猪奴戲

去聲。愛。婦人倫尚名教也。閨外謂邦域之外。晉處江左以荊楚為國之西門故曰閨外。

常語。

耳老莊浮華非先王之法言不可行也君子當正其衣冠攝其威儀何有亂頭養望

自謂弘達耶

蒲音蒲擣音樞蒲擣蒲擣司戲雙陸之類浮華謂老聃莊周之言虛

而無實也攝檢束也養望通鑑作跣足逸遊荒醉談戲廢事蓬頭跣足皆老莊尚玄虛棄禮法之流弊吳氏曰養望養其虛望也○王勃楊炯盧照鄰駱賓王皆

有文名謂之四傑裴行儉曰士之致遠先

器識而後文藝勃等雖有文才而浮躁淺

露豈享爵祿之器耶楊子沈靜應得令長

餘得令終為幸其後勃溺南海照鄰投穎

水賓王被誅炯終盈川令皆如行儉之言

躁音寵長上聲令終之令去聲溺音匿行儉字守約

唐絳州人器器局識識見浮躁不沈靜也淺露不深潛也令長令尹令終善終盈川縣名○孔戡於為義若嗜慾不

顧前後於利與祿則畏避退怯如懦夫然

戡音堪懦音懦戡字君勝孔子三十八世孫懦柔弱也言其勇於為義而怯於趨利祿如此○

柳公綽居外藩其子每入境郡邑未嘗知

既至每出入常於戟門外下馬呼幕賓為

丈皆許納拜未嘗笑話欵洽

外藩謂節度使取屏蔽之義也

其門得列戟故曰戟門納受也○柳仲郢以禮律身居家無

事亦端坐拱手出內齋未嘗不束帶三為大鎮廐無良馬衣不熏香公退必讀書手

不釋卷廐音救仲郢嘗為山南劍南天平三道節度使故曰三為大鎮公退自公而退也釋

捨也端坐拱手束帶敬也廐無良馬衣不熏香儉也讀書不釋卷勤也家法句在官

不奏祥瑞不度僧道不貸賦吏法凡理藩

府急於濟貧郵孤有水旱必先期假貸廩

軍食必精豐通租必贖免館傳必增飾宴

賓犒軍必華盛而交代之際食儲帑藏必

盈溢於始至境內有孤貧衣纓家女及拜

者皆為選婿出俸金為資裝嫁之貸音泰連奔謨切貫

音世傳朱戀切搞口到切帑音倘藏上為並去聲溢音逸在官以下皆柳氏之家法貸寬也假貸謂以錢

穀借之廩倉廩軍食軍餉逋欠也貫除也館客舍傳馬驛搞勞也儲蓄也帑藏皆庫名所以貯金帛者衣

纓猶簪纓及笄年十五者熊氏曰不奏祥瑞為詣上也果氏曰食儲帑藏盈溢於始至出納有籍用無所

私而致也○柳玘曰王相國涯方居相位掌利

權竇氏女歸請曰玉工貨一釵奇巧須七

十萬錢王曰七十萬錢我一月俸金耳豈

於女惜但一釵七十萬此妖物也必與禍

相隨女子不復敢言相國相位之相去聲於女之女音汝復扶又切王涯

唐宰相掌利權謂其兼度支塩鐵榷茶等使也竇氏女淮女嫁竇氏者歸謂歸寧熊氏曰淮實斬畜托辭拒之然妖物必與禍隨則名言也蓋妖巧之物人所貪競固有招禍之道也

數月女自

婚姻會歸告王曰前時釵為馮外郎妻首

飾矣乃馮球也王嘆曰馮為郎吏妻之首

飾有七十萬錢其可久乎球音求婚姻會因

馮為賈相餽門人最密賈有蒼頭頗張威

福馮召而勗之未浹旬馮晨謁賈有二青

衣捧地黃酒出飲之食頃而終賈為出涕

竟不知其由餽音速勗音旭浹音接飲為並去聲賈餽亦宰相密親密也奴僕以

蒼為巾故曰蒼頭勗勉也浹周也十日為旬二青衣之二僮使也地黃藥名無毒蓋他酒詭稱耳食頃一飯之頃也球以奴張威福恐為王累故戒之奴恐球告王故毒殺之又明羊王賈

皆遭禍遭音坳遭遇也淮餽皆為宦者仇士良所殺噫王以珍玩

奇貨為物之妖信知言矣徒知物之妖而

不知恩權隆赫之妖甚於物耶馮以卑位

貪寶貨已不能正其家盡忠所事而不能

保其身斯亦不足言矣賈之臧獲害門客

于牆廡之間而不知欲終始富貴其可得

乎廡音武恩權之隆赫禍機所伏也故謂之妖知言本謂知言之是非此則謂知理之言也盡忠

所事謂盡心於鍊也奴曰戚婢曰獲此雖一事作

戒數端熊氏曰玳玩奇貨不可貪一戒也恩權隆

也失言而不能保身四戒也孽戒 ○王文正公

發解南省廷試皆為首冠或戲之曰狀元

試三場一生喫著不盡公正色曰曾平生

之志不在温飽解冠並去聲著音酌公公名曾字

公少有大節其於富貴貧賤毀譽歡戚不

一動其心而慨然有志於天下嘗自誦曰

士當先天下之憂而憂後天下之樂而樂

也少去聲譽音余樂音洛不動其心謂富貴不

慕貧賤不厭毀之不怒譽之不喜得而不歡失

而不戚也天下味憂而先憂天下其事上遇人一

以自信不擇利害為趨捨其有所為必盡

其方曰為之自我者當如是其成與否有

不在我者雖聖賢不能必吾豈苟哉自信

正也如是盡其方也事上待人一以自信而不趨利

不避害有所為必盡其方而成敗不苟焉容心於其

間有行法 ○司馬温公嘗言吾無過人者但

平生所為未嘗有不可對人言者耳誠而

管寧嘗坐一木榻積五十餘年未嘗異其股

其榻上當膝處皆穿股音古寧字如安漢高士古人危坐如跪箕股謂兩

展其股狀如箕也○呂正獻公自少講學即以治心

養性為本寡嗜慾薄滋味無疾言遽色無

窘步無情容凡嬉笑俚近之語未嘗出諸

口於世利紛華聲伎游宴以至於博奕奇

玩淡然而無所好少去聲窘巨隕切俚音里伎音忌

其德性也自寡嗜慾以下皆治心以養性之事窘迫促也俚鄙俗也伎巧戲也○明道先

生終日端坐如泥塑人及至接人則渾是

一團和氣塑音素終日端坐如泥塑人敬也○明道先生作

字時甚敬嘗謂人曰非欲字好即此是學

朱子曰此亦可以收放心○劉忠定公見溫公問盡心行

已之要可以終身行之者公曰其誠乎劉

公問行之何先公曰自不妄語始忠定元城先生謚也

朱子曰溫公所謂誠即大學所謂誠其意者指人之實其心而不自欺也劉公初甚易

之及退而自隳枯日之所行與凡所言自

相掣肘矛盾者多矣力行七年而後成自

此言行一致表裏相應遇事坦然常有餘

裕

易音異。彙音隱。掣昌列切。肘音帚。予音謀。盾汝。曲者曰彙。正者曰楛。皆制木之器也。自相掣肘。予盾。喻言行相違也。吳氏曰。掣挽也。肘臂節也。掣肘謂時欲運動而人挽之。不能運動也。予有鈎之兵盾。即今傍牌也。予盾謂予欲傷人而盾蔽之。不能傷也。

劉公見賓客談論踰時體無欹側肩背竦

直身不少動至手足亦不移

欹音欺。竦音聳。敬而已矣。

徐積仲車初從安定胡先生學潛心力行

不復仕進其學以至誠為本事母至孝自

言初見安定先生退頭容少偏安定忽厲

聲云頭容直某因自思不獨頭容直心亦

要直也自此不敢有邪心卒謚節孝先生

仲車父早卒盡孝於母朱子曰這樣人都

子之服儉以絜無長物焉綺羅錦繡不入

于室曰君子非黃白不御婦人則有青碧

絜潔同長音丈儉謂不華靡絜謂不垢汚長刺也無

居清列非速客不二羹蔬夕食蔬葡萄匏而

已

蔬音恣。齧音核。匏音庖。高氏兄弟唐人長鉞翰

李文靖公治居第

不兼設也羹肉羹蔬肉

齧齧猶嚼也葡萄匏皆菜名

於封丘門外廳事前僅容旋馬或言其太
隘公笑曰居第當傳子孫此為宰相廳事
誠隘為太祝奉禮廳事則已寬矣

公名沆字太初位宰相

相諡文清宋洛州人第第宅封丘宋都門名廳所以治事故曰廳事旋面轉也隘窄狹也大祝奉禮皆世蔭之官
○張文節公為相自奉如河陽掌

書記時所親或規之曰今公受俸不少而
自奉若此雖自信清約外人頗有公孫布
被之譏公宜少從衆公嘆曰吾今日之俸
雖舉家錦衣玉食何患不能顧人之常情

由儉入奢易由奢入儉難吾今日之俸豈
能常有身豈能常存一旦異於今日家人
習奢已久不能頓儉必至失所豈若吾居
位去位身存身亡如一日乎

相去聲易音與公名知白字用晦宋

滄州人初為河陽掌書記後為宰相諡文節漢丞相公孫弘為布被汲黯曰弘俸祿多而為布被此詐也或人見文節之儉約亦疑其詐故引是以譏之頓遽也
○温公曰先公為

郡牧判官客至未嘗不置酒或三行或五
行不過七行酒沽於市果止梨栗棗柿肴
止於脯醢菜羹器用甕漆當時士大夫皆

然人不相非也會數而禮動物薄而情厚

麓音慈數音朔温公父名池字和中行猶巡也近日士大夫家酒非內

法果非遠方珍異食非多品器皿非滿案

不敢會賓友常數日營聚然後敢發書苟

或不然人爭非之以為鄙吝故不隨俗奢

靡者鮮矣案亦作按內法謂宮內造酒之法嗟

乎風俗頽弊如是居位者雖不能禁忍助

之乎居位謂居相位時公已作相矣○温公曰吾家本寒族

世以清白相承吾性不喜華靡自為乳兒

時長者加以金銀華美之服輒羞赧棄去

之年二十忝科名聞喜宴獨不戴花同年

曰君賜不可違也乃簪一花平生衣取蔽

寒食取充腹亦不敢服垢弊以矯俗干名

但順吾性而已赧乃板切矯音皎忝叨也聞喜進士宴名垢汚弊壞矯拂干求也

○汪信民嘗言人常咬得菜根則百事可

做胡康侯聞之擊節嘆賞信民名華宋臨川人康侯文定公字

也人能甘澹泊而不以外物動心則可以有為矣擊節一說擊手指節一說擊器物為節皆通嘆嗟嘆賞

稱賞朱子曰學者須常以志士不忘在溝壑為念則道義重而計較死生之心輕矣况衣食外物至微未

小學卷之六終
事不得未_レ必_レ便_レ死_レ亦何_レ用_レ犯_レ義_レ犯_レ分_レ役_レ心_レ役_レ志_レ營_レ營_レ
以求_レ之_レ耶_レ某_レ觀_レ今_レ人_レ因_レ不_レ能_レ咬_レ菜_レ根_レ而_レ至_レ於_レ失_レ其_レ本_レ
心_レ者_レ衆_レ矣_レ
可_レ不_レ戒_レ哉


右實敬身

凡_レ二十八_レ章_レ李_レ氏_レ曰_レ首_レ十四_レ章_レ實_レ
一_レ章_レ實_レ衣_レ服_レ之_レ制_レ未_レ
六_レ章_レ實_レ飲_レ食_レ之_レ節_レ

小學卷之六終

文化三年甲寅正月上梓

午六月發行



五條通高倉東入町
北村四良兵衛

浪華書肆

上町南華屋町
山内五良兵衛

小學卷六
事不得未_レ必_レ便_レ死_レ亦何_レ用_レ犯_レ義_レ犯_レ分_レ役_レ心_レ役_レ志_レ營_レ營_レ
以求_レ之耶某觀_レ今人_レ因_レ不_レ能_レ咬_レ菜根_レ而_レ至_レ於_レ失_レ其_レ本
心_レ者衆矣
可不_レ戒_レ哉

右實敬身

凡_レ二十_レ八_レ章李氏曰首_レ十_レ四_レ章實_レ
心術之要次_レ七_レ章實_レ威儀之則次

一章實_レ衣服之制末_レ
六章實_レ飲食之節

小學卷之六終

文化三年甲寅正月上梓
文化七年庚午六月發行

平安書肆

五條通高倉東入町
北村四良兵衛

浪華書肆

上町南華屋町
山内五良兵衛

